



Bosnia and Herzegovina  
Federation of Bosnia and Herzegovina  
**CANTON SARAJEVO**  
Ministry of Internal Affairs

Broj: 01-14-4-3540-3-3/20

Dana: 23.06.2020. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2020. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke „ nabavka usluga servisiranja motornih vozila “Peugeot” (LOT 2) za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

### **ODLUKU**

#### **o izboru ponuđača za nabavku usluga servisiranja motornih vozila “Peugeot” (LOT 2) za potrebe Ministarstva unutrašnjih poslova Kantona Sarajevo**

#### **I**

Na osnovu Odluke broj 01-14-4-3540-3/19 od 25.12.2019. godine i Obavještenja o nabavci broj 1364-1-2-24-3-34/20 od 05.03.2020. godine, proveden je otvoreni postupak nabavke usluga servisiranja motornih vozila “Peugeot” (LOT 2) za potrebe Ministarstva unutrašnjih poslova Kantona Sarajevo, uz primjenu e-aukcije.

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora ponuđaču “BLOK” d.o.o. Sarajevo u iznosu od 12.335,90 KM bez PDV-a, za tri godine na koliko je bilo predviđeno zaključivanje okvirnog sporazuma u predmetnom postupku nabavke.

#### **II**

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

#### **III**

Ova odluka stupa na snagu danom donošenja.



## Obrazloženje

Na osnovu Odluke broj 01-14-4-3540-3/19 od 25.12.2019. godine i Obavještenja o nabavci broj 1364-1-2-24-3-34/20 od 05.03.2020. godine, proveden je otvoreni postupak nabavke usluga servisiranja motornih vozila "Peugeot" (LOT 2) za potrebe Ministarstva unutrašnjih poslova Kantona Sarajevo, uz primjenu e-aukcije.

Za predmetni postupak je predviđeno zaključivanje okvirnog sporazuma u predmetnom postupku nabavke na period od tri godine.

Javno otvaranje ponuda izvršeno je dana 27.03.2020. godine u 12,00 sati. Provjeravani su način uvezivanja ponude, odnosno primjena propisane forme dostavljenih dokumenata i validnost ponude, o čemu je sačinjen Zapisnik o otvaranju ponuda i dostavljen ponuđaču u zakonskom roku.

Tendersku dokumentaciju su preuzela 4 ponuđača, a dostavljena je samo jedna ponuda, i to:

- „BLOK“ D.O.O. SARAJEVO

Prispjela ponuda je blagovremena, odnosno dostavljena je u roku predviđenom u Obavještenju o nabavci. Komisija je izvršila provjeru kvalifikacije ponuđača, u skladu sa minimalnim zahtjevanim kvalifikacionim uslovima koje ponuđači treba da ispunjavaju.

Ponuđač je uz dostavljenu dokumentaciju dostavio Izjavu da će, zbog novonastale situacije sa virusom korona, dokumentaciju koju nije uspio pribaviti jer, kako je naveo, nadležne institucije su obrađivale samo hitne slučajeve, istu dostaviti čim se za to steknu uslovi.

Komisija je izvršila kontrolu dostavljene dokumentacija, način uvezivanja ponude, primjena propisane forme dostavljenih dokumenata, validnost ponude, njen potpis i ovjera, računsku kontrolu te je izvršen pregled i provjera drugih dokumenata i kontataovano je sljedeće:

- dostavljena dokumentacija iz ponude ispunjava sve uslove predviđene tenderskom dokumentacijom i formalno-pravno je ispravna

- nakon izvršene računске kontrole utvrđena su određena neslaganja u dostavljenom Obrascu za cijenu ponude i to pod rednim brojevima 3., 16., 21. i 22, odnosno ukupna cijena bez PDV-a u posljednjoj koloni ne odgovara proizvodu jedinčnih cijena kako je postavljeno u Obrascu, te je s tim u vezi ponuđaču, aktom broj 01-14-4-3540-2-2/20 od 31.03.2020. godine, dostavljen pismeni poziv da izvrši provjeru i dostavi usaglašen i ovjeren korigovani obrazac (što je i učinio), a u pomenutom dopisu zatraženo je da ponuđač dostavi i svu potrebnu dokumentaciju za koju je dostavio izjavu da nije bio u mogućnosti obezbjediti zbog novonastale situacije.

Nakon što je donesena Odluka o proglašenju prestanka stanja nesreće uzrokovano koronavirusom (COVID 19) na području F BiH, naknadno je dostavljena dokumentacija tražena tenderskom dokumentacijom.

S obzirom da je pristigla samo jedna ponuda nisu se stekli uslovi za zakazivanje e-aukcije.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa članom 65. i 70. Zakona o javnim nabavkama BiH („Sl. glasnik BiH“ broj 39/14), a ukoliko se uzme u obzir da je postupak dva puta ponovljen i da je pristigla samo jedna ponuda, Komisija jednoglasno daje preporuku ministru MUP-a KS da donese odluku o dodjeli ugovora za nabavku usluga servisiranja motornih vozila "Peugeot" (LOT 2) za potrebe Ministarstva unutrašnjih poslova Kantona Sarajevo ponuđaču "BLOK" d.o.o. Sarajevo u iznosu od 12.335,90 KM bez PDV-a (prema korigovanom Obrascu za cijenu ponude) za tri godine na koliko je bilo predviđeno zaključivanje okvirnog sporazuma u predmetnom postupku nabavke.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16



Cijeneći naprijed navedeno riješeno je kao u dispozitivu.

**POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa članom 99. i 101. Zakona o javnim nabavkama BiH.



**MINISTAR**

mr. Ismir Jusko

**DOSTAVITI:**

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću
5. a/a.



web: <http://mup.ks.gov.ba>  
e-mail: [ministar@mup.ks.gov.ba](mailto:ministar@mup.ks.gov.ba)  
Tel: + 387 (0)33 286-701, 286-702,  
Fax: + 387 (0)33 226-445  
Sarajevo, La Benevolencije 16

